

ARCHI-
EPISCOPORVM
CASSELIENSIVM
& Tuamensium
VITÆ.

Duobus expressæ Com-
mentariolis.

*Quibus adiicitur historia Cœnobiorum
Cisterciensium Hiberniæ.*

IACOBO WAREO
Authore.

DUBLINI.
Ex Officina Societatis
Bibliopolarum.

M. DC. XXVI.

Bl. Cat. 25064

Other Copies

*L
O
C
52*

ALPHABETICUM
EPISCOPORUM
CASSIENSIVM

et Turrensium

VITÆ

Diobus expositis Com-
mentariis.

Quibus adjicitur hystoria Cassinensis
Cisterciensis Historie.

JACOBO WARRO

Auctore.

DUBLINI.

Ex Officina Societatis

Bibliothecariorum.

M.DC.XVII.

Ad Lectorem



Istoriolas hasce in lucem
emisi, cū ut memoria ho-
rum Antistitum non in-
tercideret, tum ut alios
in hac arenam provoca-
rem, qui politius & maiori cum iudicio,
res nostras, plerisq; ignotas condant. Atq;
in hac indagine eo libentius desudavi,
quia omnia penē vetera utriusq; sedis mo-
numenta, (Casseliensis scilicet & Tua-
mensis,) siue per incuriam & negli-
gentiam, siue per bellorum rabiem pe-
rierunt, vel saltem per invidorum ma-
litiam hodiē delitescunt. Vt nosceas igi-
tur

AD LECTOREM.

tur, quos secutus sum authores; placuit
hic adijcere *Indicem* præcipuorum
Codicum MSS, è quibus mutuatus sum,
quicquid ferè huc boni contuli

Liber Cænobiij Inisfallensis, in agrò
Kerriensi, in quò, varij authores brevi-
tèr res nostras, ab aurorà Christianæ
fidei in hac *Insulâ*, usq; ad annum Do-
mini, 1320. perducunt

*Annales Prioratus Insulæ omni-
um Sanctorum* (in occiduo limite comi-
tatus *Longfordiæ*) à *Canonicis eiusdem
Prioratus* collecti.

Annales Ultonienses à *Roderico O
Casside Archidiacono Clogherensi* (qui
obiit 1541) multò maxima parte descrip-
ti, sed in annis recentioribus author Ana-
chronismos sæpè commisit. *Horum An-
nalianum bina vidi exemplaria*, inter se
haud

AD LECTOREM.

haud parum discrepantia.

Registra sedis Armacanæ, quibus
usus sum beneficiò Christoph. Hamptoni
nuper ejusdem sedis Reverendissimi Ar-
chiepiscopi.

Annales Monasterij B. Ma-
riæ Dublin. Annales Montis Fer-
nandi, & Annales Joannis Clynne
Minoritæ Kilkenniensis, in Bibliothe-
câ Reuerendissimi Doctissimiq. V. Jaco-
bi Vsserij, hodierni Armacani Archie-
piscopi.

Annales Conacienses à Monachis
(ni fallor) Cænobij Buelliensis conscrip-
ti, & ad annum perducti 1253. penes vi-
rum honoratissimum Oliverum Dom.
Vicecomitem Grandison de Li-
merick, jam pridem dignissimum Hi-
bernæ proregem, & nunc summum ejus-
dem


AD LECTOREM.

dem regni Quæstorem.

Annales Minoritarū Nenaghensiū.

Chronicon Loghkæense, cuius, eam duntaxat partem vidi, quæ incipit Anno Domini 1249. (Bienniō scilicet ante obitum Clari mac Mailin Elphinensis Archidiaconi, loci fundatoris:) & desinit anno 1408.

*Libros impressos, & Regias Tabulas hic consultò omisi, margo plerūq; sup-
peditat. Opus hoc quaecunq; iam ag-
gredior; quod ut nudè tractem, sine fu-
co, sine malitiâ, Deum Opt. Maxim.
precor & obtestor.*



ARCHIEPISCOPI CASSELIENSES.



CVM Casselia per annos
CCCCCLX. S. *Albei* & suc-
cessorum Episcoporum
Emelacensium jurisdic-
tioni subfuisset; *Corma-*
cus filius *Culinani* (iam re-
gnô Casseliensi potitus)

Casseliæ novam Ecclesiam Cathedralem
erexit: ubi ipse Episcopi munus (quod mire-
ris) obivit. Hunc morem apud Hibernos illo
ævo viguisse, scriptores patrij luculenter osten-
dunt. Meminit *Cormaci* hujus *Caradocus Lan-*
carvanensis in *Cambriæ* Chronicô, sed *Carmo-*
tum filium *Cukemani*, Regem & Episcopum *Hi-*
bernæ, sive is, sive librarius, perperam appel-

B

lat

^a *Annal.
Vitor.*

^b *Caradoc.
Lancarvan.*

^c *Annal. In-
sul. omnium
Sanctorum.*

lat, & incertam nescio quam famam (vt po-
steà patebit) secutus, à Danis, circa annum 905.
in præliò occisum tradit. De præliò quò cæsus
est, exactò regni septenniò, sic rectiùs liber In-
sulæ omnium Sanctorum. Anno 907. (vel
908) Bellum Belaigmuna, in quò Cormac mac
Culinan Rex casseliæ, Scriba, atque optimus Epis-
copus, sapientissimus Scoticæ linguae, à Lageniensi-
bus & Lei-cuirensibus occisus est. Unà cum illo
ceciderunt ^a Fogertacus mac Sàibne, Rex Ciara-
giæ, Cellacus mac Cervail, Rex Osraigie, &c. Vi-
ctores fuerunt Flan mac Melachlin, Rex Temoriæ
(sive Midie) Carolus mac Murrecan Rex La-
geniæ, & Carolus mac Corochor Rex Conaciæ.
Cormacus is, ^b vir fuit suo sæculo pius & reli-
giosus, addam doctus & antiquitatis nostræ
scientissimus. Scripsit historiam suæ gentis
(Psalter-Cashell vulgò dictam) quæ etiam-
nùm extat, & magno habetur in pretio. ^c Ec-
clesiam ejus dedicatam fuisse comperi (&
Synodum ibidem habitam) Anno CHRISTI
MCXXXIII. Illam postea, successores in Ca-
pellam Ecclesiæ Cathedralis cōverterunt. Ve-
rùm adhuc conditoris nomine nuncupatur, &
tumulus

tumulus ejus in hodiernum vsque diem ibidem ostenditur.

Donatus O Lonargan.

ACORMACO illo ad *Donatum* vsque *O Lonargan* (qui primus Palliô usus est) quatuor duntaxat qui huic sedi præfuerunt, mentionem reperi. Primus est ^d *Donaldus Buabain*, qui obiit 1096. Secundus ^e *Milerus O Dunan*, is obiit 1118. Tertius ^f *Meliseus O Foglada*, qui obiit 1131. Et quartus ^g *Donatus O Conaing*, qui anno decessit 1137. Hos omnes (excepto *Meliseo*, licet ante usum Palliorum in Hiberniâ) Historici nostri Archiepiscopos nominant. *Lonerganus* noster autoritate Pontificiâ, primus creatus est hujus sedis Archiepiscopus, Anno 1152. Ad quem annum sic loquitur *Anonymus* qui tùm vixit. ^h *Ioannes Paparo Cardinalis ab Eugenio Tertio Pontifice Romano missus, cum christiano Episcopo Lismorensi totius Hiberniæ Legato, in Hiberniam venit. Idem christianus in Mell: (sive Mellifontis Mo-*

^d *Annal. Conac.*
^e *Ibid.*
^f *Annal. Viton.*
^g *Ibid.*
De hac re vide *Vincent specul. hist. (in visione Tundali)* lib. 27. cap. 88.

^h *Tit. S. Larentij in Damaso.*

1. Lib. Priorat.
Infula omniū
Sanctorum.

nafteriō) Concilium celebravit: cui interfuerunt
Episcopi, Abbates, Reges, Duces & Majores
nati Hiberniæ; quorum consensu Archiepisco-
patus constituti sunt quatuor Aīmacanus, Du-
bliniensis, Casseliensis, Ioamensis: Quibus præfue-
runt eo tempore, Gelasius, Gregorius, Donatus,
Edanus. Ioannes cardinalis, benedicens clero,
(post Pascha 1153. ut mihi Author est Ioannes
Hagulstaldensis, sive Hexamensis, per Scotiam
iter faciens) Romam reversus est. Donatus
hic, vir tam ob eruditionem, quam ob libera-
litate præsertim erga egenos, multum cele-
bratus, in senectute bona quievit, Anno christi
(Dionysiano) MCLVIII.

Donatus O Hullucan.

k Hib. expug
lib. I. c. 33. &
34.

HVjus tempore (anno nempe 1172.) cele-
bratum est Concilium Casseliense, Præ-
sidente Christiano O conarchy Episcopo
Lismorensi & Legato Pontificio, idque man-
datō Regis (nostri) HENRICI Secundi,
quā de re consulat^k Giraldum cambrensem &
Roge-

¹ Rogerum Hovedenum. Mortem obiit 1182. ^{1 Hist. Ann.}
1172.

Mauritius.

Successorem Mauritium Girald. Cambrensis virum appellat *litteratum & discretum*. Vti videre est in Topogr. ejus Hibernię cap. 32. ubi de accurato ejus dicto loquitur. Nescio an hic sit idem cum Marino O'Brien, qui à Donaldo more (i. magno,) O'Brien Rege Limericensi; apud quem admodum fuit gratosus: impetrasse dicitur *Mannerium de Fetherd*, quod mox Burgen-sibus suis contulit. ^m Tenendum de se & success- ^{m Ex antiq. Inquis.}oribus suis in libero Burgagio, per servitium duodecim marcarum per Annum, & per sectam Hundredi sui in eadem, coram Præposito eiusdem Villæ, quam quidem donationem, Ioannes quondam Rex Angliæ dictis Burgen-sibus confirmavit & ratificavit per literas suas patentes. Quando obierit nequeo dicere.

Matthæus.

n Hodiekells
in Com. Mi-
die.

o In valle ad
Tesium vulgò
Teisidale, quæ
regiuncula est
Scotia, An-
glie proxima.

Matthæus Monachus Cisterciensis & Le-
gatus Pontificius, Archiepiscopus fuit
1194. Nam eo anno testis fuit chartæ
Donaldi O'Brien Regis Limericensis, quâ cō-
cessit *Briētio Lumnicano* (sive Limericensi)
Episcopo suisque successoribus, cleroque Sanctæ
Mariæ Limerici, in liberam & perpetuam eleemo-
synam, terram Mungram (aliàs Mungret) ut
ex Registro ejusdem Ecclesiæ constat. Scrip-
sit hic (præter ea quæ perierunt) vitam Divi
Cuthberti, qui n^o Chenanusiæ natus, postquam
multos annos sub Eata & Boisillo Abbatibus,
in cœnobio o^o Mailrosensi transegerat, in Epif-
copum consecratus est Lindisfarnensem, an-
no 614. ac in Sanctorum numerum postea
relatus. Hæc obiter. Matthæi hujus Elogium
quod in Annalibus Monasterij Beatae Mariæ
Dublin. reperi, non pigebit ascribere. Anno
Domini MCCVI. Matthæus Archiepiscopus Casse-
liensis totius Hiberniæ Legatus, vir præ cæteris
Hiberniensibus sapientissimus & religiosissimus,
post

post multarum Ecclesiarum foundationem, post
victoriam de antiquo hoste in multis miraculis
habitam, in monasterio de sancta cruce, (in agrô
Tipperariensi :) Spontaneâ voluntate universâ
pompâ sæculi spretâ, fœlicissimè quievit. Ad eun-
dem annum sic Liber Inisfallensis cœnobij.
Archiepiscopus O Heny (cognomen puto no-
stri Matthæi) quievit in christo.

Dionysius O Lonargan.

DEfuncto Matthæo, Archiepiscopus re-
nunciatus est Dionysius O Lonargan,
qui Romæ decessit 1215. (si non,
p 1216.) dum Concilio ibidem congregato in-
teresset, quô annô obiit etiam ibidem Euge-
nius mac Gillevider Archiepiscopus Armaca-
nus. Et finito concilio, (qui illos comitatus
est) conochor O Heny Episcopus Laonensis
q̄ revertens in viâ quievit.

p *Annal.*
V *lon.*

q *Ibid.*

Donatus

*Donatus aliàs Donchadus
O Lonargan.*

*† Placit. An.
7. Ed. 2.
Annal.
Inisfallen.*

Qui successit, Donatus O Lonargan ^rBurgum dicitur fecisse apud Cassell, & dedisse Burgensibus Burgagia, &c. ^fPontificatu se sponte abdicavit 1223. Superfuit abdicationi annis novem, obiit nempe 1232.

Marianus O Brien.

*† Plac. 21.
Ed. 3.*

Marianus O Brien ritè electus, ab Ecclesiâ Corcagenfi ad Casseliensem Anno 1223. transfertur. Huic, & successoribus Henr. III. Rex Angliæ ^rremisit & quietam clamavit, (sic enim in ejus diplomate legitur) novam villam Casseliæ, & concessit eandem villam, de cætero, de se & heredibus suis tenendam, in liberam, puram, & perpetuam elemosynam, quietam ab omni exactione & servitio seculari. Testib. Ioscelino Bathon. Thoma Norwicensi, & WALTERO Carleolensi Episcopis, &c.

xvi Novemb. Anno XIII. Eandem mox Villam ipse Marianus Præposito, & duodecim Burgensibus sive concessit, sive confirmavit, pensuunculis quibusdam sedi suæ reservatis; viz. ex Villâ 6.lib. ex Hundredo & curiâ, 13 sol. 4.den. Furno item, & macello exceptis. Hujus licentiâ David le Latimer miles (Senescallus) leprosis Ptoctrophium, sive hospitale Casseliæ construxit, ubi filiam suam leprosam abdidit. Illud post, David mac Carwill Monasterio à se constructo, conjungi & aduniri curavit. Marianum in Monasterio Surienfi (quod Inislawmaght vulgò vocitamus) obiisse M. CCXXXVIII. tradunt Annales Inisfallenses. Sed non ita est, nam ex Regijs monumentis decessisse constat, M. CCXXXVI. mense Ianuario.

David mac Kelly.

DAVID mac Kelly ex Casseliensi Decano, Præsulatum adeptus est Clonensem, & inde ad Casseliensem Archiepiscopatum

tum translatus est, M.CCXXVII. Dum adhuc Decanus esset, sodalitus se dedit fratrum Predicatorum Corcagiæ: è quorum grege, (postea Archiepiscopus) cœnobiolum (quod Casseliæ posuit M.CCXLIII.) replevit. Excessit ex hac vitâ M.CCLII. vel (ut aliqui recitius) M.CCLIII. Ad quem annum sic Monachus Buelliensis (cum his ipsis verbis Annales suos terminans.) *David mac Kelluig Archiepiscopus casseliensis, & Alin O Sullivan Episcopus Lismorensis quieverunt.* Tumulatum ferunt in capellulâ Apostolorum, (quæ ingredientibus chorum à sinistris ni fallor sita est) fortè in Septentrionali pariete ejusdem, ubi statuam vidi Pontificis (speciosam profectò) tumulo insculptam.

David mac Carwill.

Qui successit, David (quibusdam Donoverich) O Carroll annos totos xxxv præfuit. Hic Cantariam Sancti Nicholai Casseliæ fundavit. Cœnobium quoque

que posuit Cisterciensibus propè Casseliam, vulgò *Hore=Abbey* & de Rupe *Cashell*, dictum: quod Benedictinorum (quos expulerat) redditibus dotavit. Constructionis causam per ridiculam ex Archivis Regijs quæ in chartophilacio Birminghamiano asservantur, sic legas. ^u *Tempore Davidis mac Carwill Archiepiscopi Cassel. fuit quædam Abbatia prope Ecclesiam cathedralem sancti Patricij Casselia nigrorum Monachorum, fundata in honorem beatæ Mariæ: Et cum prædictus David nunciasset matri suæ, quod videbatur ei in somnio, quod præfati nigri monachi caput suum voluerunt amputare, de consilio matris suæ, monachos illos amovit, & terras eorum & possessiones dedit novæ Abbatia, quam fundavit. Hanc, monachis replevit è cœnobio x Mellifontis. Perperam igitur in y Catalogo Monasteriorum Cisterciensium vivente Divo Bernardo fundatorum, locum habet Monasterium hoc de Rupe Cassel: Siquidem inter obitum Bernardi & Davidis huiusce electionem, anni centum effluxerunt. Sed hæc obiter. Paulò post, injuriosius dicitur tractasse Keranum Decanum Casselien-*

u Placit. an. 7
Ed. 2.

x *Monast. de Rupe Cassel. filiatio dicitur Mellifontis in Archivis an. 4^{to} 23. Ed. 3.*
y *Extat inter opera D. Bernardi apud Ioa. Keerbergium excus. 1616.*

*z Annales
Inisfallen.*

feliensem, atque protervè & insolentèr alia multa fecisse. Anno M. CCLXXVII. (vel z M. CCLXXVIII.) in Angliam trajecit, ut de criminibus objectis se apud Regem purgaret; ubi cùm per biennium hæsisset, in gratiam Regis receptus est. Post reditum, novam subodoratus criminationem in se comparatam ab inimicis, iterum in Angliam solvit, ubi ita se gessit, ut eum Rex in pristinam gratiam receperit. Mortem obiit M. CCLXXXIX. nescio an in Monasteriô à se constructô, an in Ecclesiâ Cathedrali sepultus. Author Annalium Montis Fernandi Davidem hunc, habitum Cisterciensis monachi suscepisse tradit, M. CCLXIX.

Stephanus O Brogan.

Stephanus O Brogan, patriâ Ultoniensis, Temporalium accepit restitutionem decimo quinto die Aprilis Edwardi primi, anno decimo nono. i. M. CCXCI. Sedit annos plusquam undecim. Obijt sub initium
Au-

Augusti, M. CCCII. in Ecclesiâ suâ sepultus: unde corrigendi sunt Annales Ultonienses, qui tempus obitus ad annum M. CCCXCVIII. referunt. Per biennium ferè tunc sedes vacavit.

Mauritius mac Carwill.

ANNO M. CCCIII. quasi ineunte, Mauritius mac Carwill in Casseliensem Antistitem sacratus est; & Temporalibus restitutus decimo octavo mensis Iulij subsequentis. Hujus licentiâ ^a Gualterus Multoc ^{a Com. Placit} fratribus Augustinianis Fetherdæ sedem ^{an. 34. Ed. 1.} molitus est: Interfuit Mauritius Parlamento ^b Kilkennix coacto, M. CCCIX. & sub finem ^{b Lib. rub. Scaccary.} ejusdem, unus fuit ex Præsulibus illis (ut id obiter annotemus) qui duodecimo die Februarij, in Ecclesiâ Cathedrali sancti Canicij Kilkennix, præsentibus Ioanne Wogan Hibernix Iusticiario, Richardo de Burgo comite Ultonix, Ioanne filio Thomæ, (quem postea Edwardus secundus comitis Kildariæ titulô

ornavit) Ioanne de Barry, Mauritio de Rupeforti, (sive Rochfort) & aliorum nobilium numero permagno, Eorum consensu, singulis sub anathematis poenâ interminati sunt, nè Ordinationes tunc temporis in Parlamento editas violarent. Obijt M.CCCXVI. mense Martio, consecrationis suæ Anno XIII.

Gulielmus filius Joannis.

DEfuncto Carwello, successor designatur ab una parte Canonorum Casseliensium, Ioannes mac Carwill Episcopus Corcagensis, (qui postea successit.) Ab altera verò, Archidiaconus Casseliensis. Vtrasque electiones Papa cassavit, ac Archiepiscopatum contulit Gulielmo fitz-Iohn Episcopo Ossoriensi, viro eo seculo quovis honore digno. Canonicus hic primùm fuit Kilkenniensis, ac in Episcopum Ossoriensem legitime electus, consecrationem accepit ^c *Kilkennie* M. CCCII. Dominicâ infra Octavas Epiphaniae. Illam Ecclesiam cum per aliquot annos

^c *Io. Clynn.*

annos laudatè rexisset, Casseliam translatus est mense Februario (juxta computationem Anglicanam) M.cccxvii. Annoque insequente uno eodemque ferè tempore Hiberniæ constituitur & Custos & Cancellarius (Episcopatu Ossoriensi interim à Papâ Richardo Ledred minoritæ Londinensi concessô.) Illius tempore urbs Casseliensis mœnibus cincta est. d. Obijt M.cccxxvi. *crastino exaltationis sanctæ Crucis, vir potens, dives, ac venerabilis in populo & in clero.* Hunc puto fuisse Gulielmum illum Episcopum Ossoriensem, qui appropriavit cœnobio & conventui sancti Ioannis Evangelistæ Kilkenniæ, Ecclesiam de Claragh, reservatâ Vicarijs collegiatis sancti Canicij, annuâ pensione xx. solidorum. d. *Ibidem.*

Joannes O Carroll.

IOannes O Carroll antedictus (quem etiam Imac Carvill in Archivis Regijs appellatum comperi) Ecclesiæ Cathedralis sancti Finbarri (sive Barri) Corcagiæ Decanus, totius

totius capituli consensu, in illius Ecclesiæ Episcopum postulatus, assensum Regium obtinuit Iulij duodecimo M. CCCCII. & confirmationem Archiepiscopi Casseliensis mense Iulio insequente. Quam annos viginti moderatus, Thomæ de S. Leodegario (sive Sileger,) in Episcopatu Midenfi, per Papam designatus est successor. Vnde post quinquennium (nempè decimo octavo Iulij M. CCCXXVII.) non post *duos annos & dimidium* (ut quibusdam placet) Casseliam migravit. Anno tandem M. CCCXXIX. *circa festum sancti Petri ad vincula* (inquit Ioannes Clynne in Chronicò suò nōdum typis excusō) *Londonijs obiit, à Curia Romanâ rediens.* Post ejus obitum, vndecim Manneria ad Archiepiscopatum tunc temporis spectantia, *in manum Regis* (ut loquimur) *sunt seiscita*; Quæ omnia, (si Camusense excipias) ab Ecclesiâ hodie sunt alienata, pensionibus nescio quibus annuatim reservatis.

Gualterus le Rede.

Gualterus le Rede (sive Rufus) Philip-
po de Slane Dominicano successor de-
claratus Corcagiæ M.CCCXXVII. Huc ^{e Placit. Co-}
per Papam (qui ^{ronæ an. 3. &} *Provisionem Ecclesiæ Casseliensis, Ioanne adhuc vivente, sue & Apostoli-* ^{4. Ed. 3.}
cæ sedis dispositioni, cum ipsam vacare continge-
ret, eâ vice se reservâsse dicebat) anno M.CCCXXX.
translatus est, & Augusti 19. Temporalibus
restitutus. Eodemque anno ad finem ten- ^{f Ibidem.}
dente, vitam cum morte commutavit. ^f Pa-
pa intereâ Episcopatum Corcagensem sic va-
cantem contulit Ioanni de Rupe electo Du-
nensi. Walterus hic paulò ante obitum, de-
cimas quasdam Vicarijs Choralibus concessit.
Et cum adhuc Episcopus esset ^{g Ex archiv.} s Corcagensis, ^{Eccl. Corcag.}
Vicarijs ibidè habitationem commodam
assignavit.

Joannes O Grada.

Illum sequutus est Ioannes O Grada Re-
ctor de Ogussin in Diocesi Laonensi, vir
D mag-

magnæ discretionis & industriæ (ut loquitur author Annalium Nenaghtensium.) Deceſſit Anno Domini M. CCCXLV. 8. Idus Iulij Archiepiſcopatus ſui XIII. & in Eccleſiâ ſuâ ſepultus eſt, quam plurimis donis ornârat.

Radulphus Kelly.

*hTom. I. re-
lat. de rebus
Anglicis.*

Radulphus Kellæus Pontanæ natus eſt, (quàm Drogheda & hodiè vulgò Tre-
dagh appellamus) vir (ut h Ioannis Pitſei
verbis loquar) cui *multiplex eruditio, & virtus
ſpectata, celebrem contulerunt famam.* Hunc
in adulterio ſuſceptum tradit (quam verè
neſcio) Ioannes Baleus, Episcopuſ Oſſorien-
ſis. Adoleſcentiam in cœnobio Kildarienſi
exegit, ubi Carmelita factuſ eſt. Annoque
i Bal. centur. i M. CCCXXXVI. *ſcriptor, Bri-
tan.* ordinatuſ eſt pro toto ſuo ordine
prolocutor, & ſub Petro de Caſa generali ma-
giſtro, generalis Advocatuſ. Anno demum
M. CCCXLV. (Balæo perperam M. CCCXLII.)
à Papâ Caſſelienſis conſtitutuſ eſt Antiſteſ.
Temporalia illiuſ ſedis accepit à Rege (ut in
Ar-

Archivis Scaccarij patet) quarto Aprilis Edwardi III. anno vicesimo. Kellæus hic circa pacem & reditus suæ Ecclesiæ, multum delūdavit. Casseliæ decessit M. CCCLXI. ^{k Ann. l. Nenaght.} *in festo sancti Edmundi Regis & martyris* Novembris nimirum vicesimo, in Ecclesiâ Patricianâ ibidem sepultus. Scripsit *de Iure Canonico lib. unum Epistolarum familiarium lib. unum*, vel (ut alij) *lib. 7.* & alia quædam quæ nunc non extant. Meminit porro illius Anthonius Possevinus in Apparatu sacro, sed *Radulphum Kullei* vocat, & addit Anglum fuisse, ut nomine, sic patriâ, allucinatus.

Georgius de Rupe.

Proximus illi successisse dicitur Georgius de Rupe (sive Roch.) De cuius exitu intempestivo, in Annalibus fratrum Minorum Nenaghtensium illis ipsis temporibus conscriptis, sic legimus. *Anno Dom. M. CCCLXII. submersus est Georgius de Rupe Archiepiscopus Casseliensis*, in reditu fortè à Curiâ Romanâ

nâ. Cæterum, vel non fuit consecratus, vel submersus est ante Temporalium restitutionem. Nam in Archivis Regijs, Thomam, tum nuper Archiepiscopum Tuamensem, Temporalia hujus sedis, tanquam vacantis à morte Radulphi, accepisse comperi.

Thomas O Carroll.

SEdem tum per aliquot annos vacasse constat. Anno tandem M. ccclxv. Papali Bullâ renunciatus est qui succederet Thomas O Carroll Archiepiscopus Tuamensis, quartus ejusdem cognominis qui huic sedi præfuit. Vir, ob multiplicem eruditionem & prudentiam memorandus. Ex familiâ ô Carrollorum in Eliensi territorio, (modò comitatui Regis annexô) oriundus. Obijt ¹ M. ccclxxiii. Februarij 8. in Ecclesiâ suâ Cathedrali sepultus. De illo plura inter Tuamenses.

*1 Annal.
Nenaght.*

Philippus

Philippus de Torrington.

DEfunctô Thoma, translationis suæ anno octavô, Gregorius XI. Papa, sedem hanc per provisionem contulit Philippo de Torrington Minoritæ, Theologiæ Doctori, cui, post submissionem & agnitam Regi fidelitatem, Temporalia Archiepiscopatus sunt restituta ^m 19. Septembris An. XLVIII. ^{m Archiv. Cane.} Edwardi Tertij. Brevi postea à rerum potitô Richardo Secundo, ad Urbanum Sextum missus est Legatus. De successu legationis in historiâ anni M.CCCLXXIX. hæc habet Thomas Walsinghamus. *Sub ijsdem diebus venit à Româ Archiepiscopus Casseliensis Hibernicus, qui illuc missus fuerat urgentibus quibusdam causis, reportans magnam potestatem ligandi & solvendi, indultam sibi ab Apostolico: Cum autem venisset Londonias, habito sermone ad populum, denunciavit Regem Franciæ, & quotquot Antipapæ adhærebant, involutos excommunicationis sententiâ, asseverans etiam jam Angliæ fore tempus acceptabile in causa Regis Angliæ, ad inva-*

dendum regnum Francia, præsertim cum esset verisimile, quod Rex anathematizatus, non haberet fiduciam resistendi. Excessit è vivis hic præsul M.CCCLXXX. Novembr. 22. cum 6. annis Archiepiscopatum administrasset.

Petrus Hacket.

Post Torringtoni obitum, annos quatuor sedes vacavit. Temporalibus toto eo tempore in fiscum redactis. Sed impetratâ tandem à Rege (pro more) eligendi licentiâ, (sive *Congedessier*) electus est Petrus Hacket Archidiaconus Casseliensis. Mortem obiit M. CCCCVI. consecrationis anno XXII.

Richardus O. Hedian.

Richardus O Hedian (vel O Heden) Canonicus Casseliensis in Archiepiscopum sacratus est An. Do. 1407. sed Temporalium non accepit restitutionem ante 14. Septembris

tembris M. CCCCVIII. Extat possessionum & proventuum hujus sedis *Rentale* (ut vocatur) per eum anno M. CCCCXIX. conscriptum. Atque ut unicum est, sic nudum certè; nam huic operi ne minimam quidem lucem præbuit, nisi quod Epigraphe ejusdem docet Richardum illum possessiones Archiepiscopatus ibi *subscriptas*, ab alijs (per socordiam ut videtur prædecessoris) injustè usurpatas, repetisse : *cùm in adventu non unum habuerit locum in aliquo manerio, ubi caput suum reclinaret.* Aulam hic construxit Vicarijs choralibus, quibus etiam ⁿ *Villas de Grange Connell* ⁿ *Inq. Scac.* *Baon & Thurlisbeg* elargitus est. Domos aliquot Archiepiscopales in manerijs suis refecit, & (quod tacendum non est) Ecclesiam Cathedralem (sancti Patricij) de novo construxit, vel saltèm, tùm fatiscentem reparavit. A fundamentis illam excitarat ^o Donaldus ^o *Inquis. an. 2* *Hen. 4.* *O Brien*, Rex Limericensis, eximius ille Ecclesiarum & cœnobiorum conditor & instaurator (veteri Ecclesiâ Cormaci in capellam ex parte Australi chori commutatâ.) Colle quidèm, præcipitioque munita est; sed ventis ob
sub-

sublimem situm nimis exposita. Anno Domini M. cccc. xxi. Parlamentum Dublinij coactum est. Accusatur ibi Hedenus hic, à Ioanne Geese, Episcopo Lismorensi & VVaterford. de 30. articulis, quòd plurimi fecit Hibernicos, & nullum Anglicum dilexit; quòd nulli Anglico dedit beneficium, & sic jubebit alijs Episcopis quod non darent minimum beneficium; quòd fecit sigillum Regis Angliæ, & literas patentes Regias; quòd ordinavit se Regem Momonie; quòd accepit annulum de imagine beati Patricij, quem obtulit comes Desmondie, & dedit meretrici suæ, & multa alia enormia dedit in scriptis, & vexati sunt Domini & communes per eos. Hactenus ejus æqualis Henricus Marleburgensis (Vicarius de Balliscaddan in Diocesi Dubliniensi.) Obijt tandem Hedenus annorum plenus, Anno Domini M. ccccxl. P die Veneris proximo post festum sanctæ Margaretæ virginis, & in Ecclesiâ suâ sepultus est. Post illius obitum, per decennium sedes vacavit. q Temporalibus toto eo tempore ad firmam traditis Iacobo Butler Comiti Ormonie.

p Archiv.
Scaccar. ann.
28. Henr. 6

q Ibidem.

Ioannes

Joannes Cantwell.

Post decennij (uti dixi) vacationem,
 Ioannes Cantwell legum Baccalaureus,
 Academiae Oxoniensis alumnus, ^{r. Act. Parla-} per Bul-
^{ment 35.}
 lam Papalem Archiepiscopus renunciatus est. ^{Henr. 6.}
 Non desunt tamen, qui alium Ioannem Cant-
 well LL. itidem Baccalaureum, & Oxonien-
 sem, illi præponant. Eum obiisse dicunt
 M. CCCC. L. in festo sancti Valentini. Sed illos
 hallucinatos autumo. Ioannes noster multa
 ab Edwardo Quarto privilegia impetravit in
 Archivis Cancellariæ memorata. Mense ^{In Rot chat}
 Julij M. CCCC. LXXX. Fetherdæ, Synodum ^{ar. an. 2. & 3}
 coegit. Convenerunt ibi (inter alios) Mat- ^{Phil. & Mar.}
 theus Laonensis, Thomas Limericensis, Ioan-
 nes Artfertensis, & Gulielmus Clonensis &
 Corcagensis Episcopi. Statuta verò quæ ibi-
 dem ordinata fuerunt non videntur extare.
 Decessit anno à plenitudine temporis 1482.
 Casseliæ sepultus. ^{r. Inq. Scog} Biennio ante mortem,
 Vicariorum choralium Collegio, quædam in
 urbe Clonmellensi contulit.

David Creagh.

DAVID Creagh Iuris utriusque Baccalaureus, patriâ Limericensis, in Archiepiscopum consecratus est 1483. De injuriâ illi factâ per Geraldum fitz-Gerald comitem Kildariæ, (virum licet spectatæ fortitudinis, rigidum tamen & præferocem) ac de quærimoniâ quam instituit apud Regem (Henricum Septimum) suâsu Jacobi de Ormond equitis aurati, quandoque Hiberniæ Quæstoris, (sed irritô labore) adeas Hiberniæ Historiam ab Edmundo Campiano descriptam. David hic bienniô postquam redijt, quinto nempe Septembris M.D. III. fatô functus est, exactis in hac sede annis xx.

Mauritius.

MAURITIUS quidam (quibusdam Mauritijs Iones) decessit (ut aliqui perhibent) M. D. XXIII. Alij vitam ejus longiùs

longiùs producunt, & obijſſe dicunt ſub exitum anni (à xxv. Martij deducti) M.D.XXVI. His ego quidè affentior : ſiquidem Caſſeliæ, in Eccleſiâ ſancti Ioannis , tumulum Philippi *Vale civis Caſſeliensis, qui obiit 21. Decembr.* M.D.XXVI. vidimus ſic inſcriptum. *Mauritius caſſel. Archiepiſcopus conceſſit cuilibet dicenti Pater, & Ave, pro animâ dicti Philippi, XL. dies indulgentiarum, toties quoties.* Is, vel qui Archiepiſcopus fuit anno M.D.XI. Synodum eo anno Limerici coegit, celebrem ſanè. Statuta ejus adjecta fuerunt Registro Thomæ Purſell Liſmorenſis & Waterfordenſis Episcopii, (librum nigrum Eccleſiæ Liſmorenſis vulgò vocant) non ità pridem fortuitò incendiò combuſto. Quando fuerit conſecratus , me fugit.

Edmundus Butler.

EDmundus Butler in Archiepiſcopum conſecratus M. D. XXVII. Regi (Henrico Octavo) mox ab arcanis conſtituitur conſilij in Hiberniâ. Hic Prior fuit, ſive Com-
E 2 mendataz

mendatarius cœnobij sancti Edmundi de *Athassell*, in comitatu Tipperariæ. Prioratum verò tempore suppressionis abdicavit. Naturæ cessit sub finem anni M. D. L. nempe quinto die Martij, in Ecclesiâ suâ, (non procul à Cathedralâ Archiepiscopali) tumulatus, sub marmore, imagine ejus & insignibus ornatô.

Rolandus Baron.

DEfuncto Butlero, Rolandus Baron, (aliàs fitz-Gerald) à Mariâ Reginâ designatur successor. Ille ex antiquâ Geraldinorum familiâ Baronum (sed non Parliamentariorum) de Burn-Church in agrô Kilkenniensi ortus, consecrationem accepit anno M. D. LIII. mense Decembri. Et die 28. Octobris M. D. LXI. (qui Sanctis Simoni & Judæ sacer) vitâ functus est. Per sexennium tunc sedes vacavit.

Iacobus

Jacobus mac Caghwell.

Iacobus mac Caghwell Casseliensis constitutus est Archiepiscopus ab Elizabetha Regina, Anno M. D. LXVII. u Paulò post, ^{u De hac re vide Hooker.} à Mauritiô (agnomine) Reagh, cui nomen Archiepiscopi Pontifex Romanus contulerat, cultrô (quem a Skeyne dicimus) vulneratus est: quòd Provinciæ illius administrationi non renunciaret. Mauritium illum, non possum non suspicari eundem esse, quem aliqui Mauritium Gibbonum appellant, qui in Hispaniam profugiens, ibi in civitate Portuensi mortuus est, circa annum Domini M. D. LXXVIII.

z Illo sedente, Episcopatus Emelacensis, ^{z Act. Parla. an. 11. Eliz. 6. 14. in Canc.} Parlamentariâ authoritate, Cathedræ Casseliensi adjectus est; eo ipso tempore quò Episcopatus Cluanensis (sive Clonmacnoisensis) sedi Midenfi fuit conjunctus. Migravit ab hac luce anno M. D. LXX.

*Milerus al. Mulmurry
Magragh.*

Milerus Magragh (aliàs mac Cragh,) Franciscanus, in Fermanaghensi comitatu natus, authoritate Pontificiâ Dunensis renunciatus est Episcopus. Cùm verò religionem reformatam professus esset, ad sedem Clogherensem per Elizabeth. Reginam translatus est VIII. Septemb. M.D.LXX. unde, propter continua bella, parùm aut nihil emolumenti percepit. Cæterùm hodiè valet annuatim Episcopatus iste, per munificentiam Divæ memoriæ serenissimi nuper Regis Jacobi, plusquam D. CC. libras Anglicanas. Caghwello defuncto, designatus est successor 3. Februarij M.D.LXX. Postea sedem Lisnorensem vacantem M.D.LXXXII. (Elizabeth. Reginae concessione,) Casseliensi adjunxit; eademùm relictâ, & post obitum Thomæ Wetherhed, denuò susceptâ, posteaque relictâ, duos in Conacia Episcopatus Alladensem, scilicet & Achadensem assumpsit (ut loquimur)
in

in Commendam, quos ad mortem usquè retinuit. Decessit Casseliæ propè centenarius mense Decembri M.DC.XXII. cum per biennium grabbato affixus, jacuisset. Monumentum habet è regione Butleri, à se dum viveret, conditum. Præfuit huic sedi 10. menses ultra annos LI.

Malcolmus Hamiltone.

MAlcolmus Hamiltone Scotus, Cancellarius Dunensis, unà cum Archibaldo Hamiltone Alladensi, Pontanæ (in Ecclesiâ sancti Petri) consecratus est, penultimo Iunij M.DC. XXIII. Annoque insequenti Consiliarijs Regijs annumeratus. Subsunt hodiè huic Archiepiscopatui VII. sedes Episcopales, viz.

1 *Laonensis.*
2 *Limericensis.*


3 } *Clonensis, &*
 Corcagensis.

4 *Artfertensis*

5 } *Lismorensis, &*
 Waterfordensis.
6 *Rossensis.*
7 *Fenaborensis.*

De

De Emelacensi taceo : Nam (quod aliàs dixi)
illa sedes ante annos jam LVIII. huic Cathedrae conjuncta est & adunata.



ARCHIEPISCOPI TVAMENSES.

AD Tuamenses venio. Primus hujus sedis Episcopus, fuit sanctus Iarlathus, qui Tuamam (jam olim Tuaim-dagualan) æde sacrâ, in primis surgentis Hibernicæ Ecclesiæ temporibus, ornavit. Vnde in vitâ sancti Brendani, Tuama, *Civitas sancti Iarlathi*, appellatur. Extant sub ejus nomine vaticinia quædam, de successoribus suis; sed quam fidem mereantur, judicent alij. Ab illo, usquè ad Edanum O Hoisin primum Archiepiscopum, memoria Præsulorum hujus sedis, perexigua superest. Sex memorantur in Annalibus nostris. Primus est, Murchadus O Nioc (quem *Comorbanum* appellant *sancti Iarlathi*.) Is obiit anno 933. Secundus, Eugenius mac Cleirig, obiit 969.

F

Tertius,

Tertius, Ercadus O Mælomair, qui decessit
 M. LXXXVI. Quartus, Cormacus O Cairill,
 qui fatô functus est M. XCII. Quintus est, Ca-
 tazacus O Cnail, cujus obitus ad annum refer-
 tur M. C. XVII. Sextus est, Mauritius (sive
 Muredacus O Dubhay) qui diem obivit ^a in
^a *Annal. Pri- erat. Insule omniū sanct.* festo sancti Brendani anno M.C.L. ætatis, LXXV.
 Congæ sepultus: in Monasterio ibidem, quod
 Anno Christi ^b DC. XXXV. Donaldus, filius
 Hugonis (Amyrachi nepos) Rex Hiberniæ
 condiderat. Hos, scriptores nostri Conaciæ
 Episcopos (interdum Archiepiscopos) appel-
 lant.

^b *Registr. Cong.*

Edanus O Hoisin.

DEfuncto Dubhaio, successit Edanus
 O Hoisin, qui anno M.C. LII. Pallium
^c Mellifonte accepit. Assignatis ei sep-
 tem suffraganeis, Elphinensi scilicet, Clonter-
 tensi, Alladensi, Achadensi, Duacensi, * Maio-
 nensi & Enaghdu-nensi, quibus alij (perperam
 opinor) Roscomanensem addunt. Edanus
 hic

^c *De hac re vid. pag. 3.*

* *Sedes Ma- ionensis & E- nagbdu. hodie Tuamensi cō- iunguntur.*

hic anno M.C.LVIII. Synodum coegit Rosco-
 mania (ita à sancto Comano denominatae,
 qui ibi decessit, ^d 744.) in quâ ^e multa bona, ^d *Annal. Co-*
decreta sunt. Naturæ cessit ^f M.C.LXI. Homo ^c *Lib. Insul.*
 propter pietatem, eruditionem, & liberalita- ^{omnium SS.}
 tem, apud Historicos nostros celeberrimus. ^f *Ibid.*
 Eodem quò mortem obiit anno, Rodericus
 O Conner, Rex Conacia castrum Tuamæ
 dicitur construxisse, quod ijs temporibus ca-
 stri mirifici nomine innotuit.

Catholicus O Dubhay.

Catholicus (vel Cadla) O Dubhay suc-
 cessit, vir gravis, & (ut illa ferebant
 tempora) eruditus. Illius præsertim
 operâ & intercessione, Rodericus ille O Con-
 ner (de quò suprà) in gratiam Henrici Secun- ^g *Consul. no-*
 di, Regis Angliæ receptus est, M.C.LXXV. Hu- ^{tas Ioan. Pi-}
 jus concordia exemplar (si cui libet perlege- ^{cardi in Gu-}
 re,) apud Rogerum de Hoveden habetur in ^{liel. Nubrigē-}
 historiâ ejusdem anni. Anno postea 1179. ^{sem.}
 Vnà cum Laurentio Dubliniensi, Constan- ^{Vide porrò}
^{Roger. de Ho-}
^{veden.}

tino Laonensi, Brietio Limericensi, Augustino Waterfordensi, & Fœlice Lismorensi Præsulibus, ad Concilium generale Lateranense missus est. Grandævus is obiit Congæ, Anno Domini M. CC. I. Sub Pontificatus illius initium urbs Tuamensis incendiô fortuitô conflagravit. Ante obitum anno uno vel altero, Gulielmus de Burgo (digressioni ignoscite) Conaciam aggressus est ; cuius maximam partem postea subegit. Dominium, is reliquit filio Richardo, qui obiit M. CC. XLIII. Richardo successit Walterus ; cuius posteros ennumeravit doctissimus Camdenus.

Ruadanus.

R Vadanum (sive O Ruadan) à quodam Melihû O Conner captum fuisse 1217. docent Annales Ultonienses ; sed nec proprium nomen exprimunt, nec captivitatis causam. Extat illius testimonium (ut ex temporis calculô constat,) de unione Dioecesium Dubliniensis & Glendelacensis, in nigrô Codice

Codice Ecclesiæ sanctæ Trinitatis Dublin. Habetur etiam folio 56. Registri (diligentissimi illius Antiquitatum investigatoris) Ioannis Alani Archiepiscopi Dubliniensis; quem avorum memoriâ crudelissimè necavit Thomas Geraldides, Comitis Kildariæ filius. Circa hæc tempora (ni fallor) Episcopatus Maiorensis Tuamensi Cathedræ adunatus est. De obitu Ruadani, nihil habemus certi.

Fœlix.

FOelicem antedictum, Monachum (puto) Cisterciensem, consecratum fuisse, Anno Domini M.CC. XIX. ex diplomate ejus colligimus, Abbatissæ de *Castâ Silvâ* (sive Kilcreventa) concessô, datô in matrice Ecclesiâ de *Tuaim* 12. Kal. Iulij Pontificatus D. Honorij Anno septimo (i. Anno salutis 1223.) Consecrationis suæ quinto. Cujus quidem diplomatis exemplar, in ^h Archivis Regijs reperitur. Decessit Fœlix Dublinij, Anno Domini M.CC. XXXVIII. Ad quem annum, sic An-

*h Com. Plac.
an. 1. Ed 2. in
arce Dublin.*

nales Monasterij Beatae Mariae Virginis juxta Dublin. Obijt pie memoria Dom. Fœlix, Tuamensis Archiepiscopus, qui cooperiri fecit Ecclesiam, cum campanili domus Beatae Mariae juxta Dublin plumbo; & sepultus est honorificè, in eadem Ecclesiâ, in presbyterio, ad gradum altaris, in sinistra parte.

Mulmurre O Lagnan.

i Chro. Logh-
kenfe.

SVcessit Mulmurre (qui etiam Mari-
nus dictus est) O Lagnan, Iuris Ponti-
ficij peritissimus. Hic peregrinationem
religionis ergo, Hierosolymam usquè suscepit.
Obijt i Athlonæ M. CC. XLIX. paulò ante fe-
stum Natalis Domini. Monasterio de Knock-
moy (aliàs De Colle victoriæ) appropriavit
Ecclesiam de Kilselge.

Florentius mac Flin.

FLorentius mac Flin (aliàs mac Floyn)
mortuo Lagnano in Archiepiscopatu
(à Ca-

(à Canonici Tuamensibus legitimè electus) successit; Anno M.CC.L. consecratus. Anno deindè sequenti Synodum Tuamæ celebravit. Florentius hic, *post mortem Thomæ O Maley Episcopi Enaghduensis* (ex ^k Archivis loquor) ^k *Placit. av. intravit in Episcopatum Enaghduensem, sede* ^{34. Ed. 1.} *vacante; de licentiâ Canonorum Enaghduensium: & retinuit toto tempore suo, temporalia & spiritualia dicti Episcopatus. Mortem is optijt M. CC. LV. vel (ut alij) M. CC. LV L. Hunc propter eruditionem Iurisque peritiam non vulgarem, laudant Annales Ultonienses.*

Walterus de Salern.

A Rege (Henrico Tertio) tunc Archiepiscopus designatus est. ¹ Walterus de ^{1 Chron. Cæ-} ^{nobij Loghke-} ^{ensis.} Salern. Decanus Ecclesiæ sancti Pauli Londinensis: Fortè, Salerni in Italiâ vel natus, vel educatus; nam indè cognomen sumpsisse videtur. Mortem obijt Anno Christi 1258.

Thomas

*Thomas (mac Tirlagh mac
Melaghlín) O Conner.*

E piscopatu Elphinensi per mortem Donati O Conner vacante 1246. in successorem electus est Thomas (nonnullis Tumultagh) O Conner, filius Terentij, Malachiae nepos, in Archiepiscopum tandem electus, Romam itinere suscepto, ibi Palliô à Pontifice ornatus est, 1259. Post reditum, magnalis exorta est inter ipsum & Redmundum Prindergast, quocum dùm contendit, servorû aliquot à Prindergastianis Kilmethonæ, (Manneriû fuit Archiepiscopatus) sunt interempti. Hæc anno 1265. Constat ex chartis Monasterij Knockmoiensis (in agrô Galviano) à Waltero Lang, olim Diocesis Tuamensis notariô publicô consignatis, (quas Manuscriptas habeo) Thomam hunc *de communi consilio & assensu totius Capituli, necnon de voluntate & assensu Roberti Cocofel Domini de Idermada* appropriâsse cœnobio antedictô Rectoriâ de Idermada (*post mortem Magistri*

Stri C. tunc Rectoris.) Cæterum nomen loci mutatum videtur: Nam in Archivis Regijs (quę penes nos sunt) istius Rectorię, non reperi mentionem. Tuamæ decessit secundum Annales Loghkæenses, 1279. quum huic sedi simul ac Enaghduensi præfuisset annis xx. vir, ob eruditionem cæterasque animi virtutes eo munere non indignus. Per aliquot deinde annos sedes vacavit.

Stephanus de Fulburne.

Successit Stephanus de Fulburne: ^{m ordi} ^{m Annal.} ^{Jo. Clynn.}
nis Hospitaliorum. In Episcopum Waterfordensem consecratus est anno 1274.
 (& Hiberniæ Thesaurarius eodem anno constitutus.) Inde post decennium, Tuamam transfertur. Sed temporalium non accepit restitutionem ante 15. Septembris, Anno 14. Edward. 1. hoc est, Anno Christi 1286. atque tunc una cum Tuamensi, Episcopatum insuper tenuit Enaghduensem. Dum adhuc Episcopus esset Waterfordensis, anno nempe

n Mortilog.
sive lib. obituū
eiusdem Ec-
clesiæ.

1279. constitutus est Hiberniæ Iusticiarius, annoque insequenti Iusticiariatu cessit, sed illum locum (ejurante Roberto de Vfford) de nuò suscepit 1281. Cessit è vitâ anno 1288. mensē Julio, Dublinij in Ecclesiâ Cathedra- li sanctæ Trinitatis sepultus. Ecclesiæ Glas- toniensi in Angliâ hîc 100. dierum indulgen- tias, concessisse dicitur.

Gulielmus de Birmingham.

Gulielmus de Birmingham successit Ec-
clesiæ Admorvviensis Rector, in An-
nalibus nostris Gulielmus *mac Feoris*
dictus, quod cognomentum, sumpsit tota
familia Birminghamiorum (Hibernorum
more :) à Petro vel Piertio de Birmingham;
cui magnę possessiones in hoc tractu, munifi-
centijs Gulielmi & Richardi de Burgo senio-
ris, Dominorum Conaciæ, obtigerunt. Sta-
tim ut consecratus (sicut antecessores,) Ec-
clesiam Enaghduensem adhuc vacantem,
Tuamensi adjunxit. Illius etiam (ut videtur)
consiliô,

consiliò ° Philippus le Blound Archidiaconus o Plac. 25. Ed. 1. in tarrimiano.
 Tuamensis, Mitram, baculum Pastoralem, & alia Pontificalia Episcopi Enaghdunensis, reposita in domo fratrum apud Clare; quousque novus Episcopus creatur, abstulit. Cæterum anno 1306. in Episcopum Enaghdunensem (Archiepiscopò quantumvis invitò.) Consecratus est Gilbertus quidam Franciscanus, cum sedes illa per annos 55. à Commendatarijs administrata esset. Anno tùm 1307. Birminghamus in Gallias trajecit, ut de injuriâ sibi illatâ apud Pontificem conquestus esset : sed irritò labore. Mortem obiit mense Ianuario 1311. (stylo Anglicano) consecrationis anno XXI.

Malachias mac Æda.

Malachias mac Æda, sive filius Hugonis, Papali Bullâ, Elphinensis renunciatus est Episcopus, circa annum Domini M. CCC. IX. quamvis Carolus mac Iulianay Abbas Loghkæensis legitimè fuerit electus. Vnde Carolus Loghkæam redire coactus,

ibidem Abbas interijt M. CCC. XLIII. Malachias exiguo tempore cùm Elphinia præfuiſſet, à Canonicis Tuamensibus electus eſt Archiepiſcopus, & à Papâ probatus, ſub initium anni M. CCC. XIII. Repetijt hic Eccleſiam Enaghduneſem, & ante obitum per annos viginti adminiſtravit: poſtquàm nimirum ſedem illam annos (plus minus) XXII. tenuiſſent Gilbertus (de quò ſupra) & tres ejus ſucceſſores quorum nomina ſequuntur, viz. Iacobus O Kerny qui ad Eccleſiam Connerenſem tranſlatus eſt, Anno M. CCC. XXVI. Robertus Petit Minorita, Epicoſopus antea Clonfertenſis, Is, tẽpore præfuit perquàm exiguo, ut & ejus ſucceſſor Thomas O Maley, qui Avenione obiit, ſecundum Annales Loghkaenſes, M. CCC. XXVIII. Malachias ex hac vitâ migravit (admodùm ſenex) P Anno Domini, M. CCC. XLVIII. in feſto ſancti Laurentij martyris. Tuamæ, in Eccleſiâ Cathedrali beatæ Mariæ tumulatus. An hic fuerit nec ne Malachias ille; de quo loquitur Poſſevinus, in Apparatu ſacro, non definio. Audiamus verba ejus; *Malachias Hibernicus* (inquit) *ordinis*

p *Annal.*
Nenaghienſ.

dinis Minorum, Theologus, scripsit libellum de
veneno peccatorum mortalium, deque remedijs ip-
sorum, Parisijs prodijt, M. D. XVIII. ex Officina
Henrici Stephani, &c. vixit M. CCC. X. At Ma-
lachiam illum non ordinis Minorum, sed
Prædicatorum, facit Antonius Senensis in
Catalogo scriptorum sui ordinis. Hujus li-
belli Malachiæ meminit quoque Ioannes Ga-
resius, in libro de sacro corpore & sanguine Chri-
sti. Ego sanè (si conjecturæ venia) non pos-
sum non hîc intelligere Malachiam filium
Hugonis; Patitur temporis ratio; invitat no-
men.

Thomas O Carroll.

Hanc sedem tunc Papa per provisionē
contulit Thomæ O Carroll vel mac
Carwill Archidiacono Casseliensi. q Is *q Ibidem.*
à Canonicis tam Cluanensibus quam Artfer-
tēsibus, in Episcopum quandoque postulatus
fuerat; sed utrasque electiones de illo factas,
vel ipse rejecit, vel Papa irritas pronunciavit:
G 3 nam

r Filia Stein-
feldia in Polo-
niâ vid. *Ann.*
Ming. Chron.
ord. *Præmon-*
straten. ubi ta-
mē post verba
Abbatiam S.
Trin. Tuam.
dele, quæ po-
stea facta est
Ecclesia E-
piscopalis.

nam certum est eum nunquàm illis sedibus præfuisse. Verùm annò post mortem Malachia nondùm exactò, Tuamensi Ecclesiæ (uti diximus) ingeritur à Papâ. Hujus tempore, anno videlicet M. CCC. LVI. quidam Carolus Oge (sive juvenis) & filius Gulielmi de Burgo Tuamam diripuerunt & incendierunt. Ecclesia Cathedralis, Hospitale sancti Ioannis Baptistæ & Monasterium Canoniorum Ordinis Præmonstratensium sanctæ Trinitati dicatum, eodem incendiò conflagrarunt. Ad Ecclesiam Casseliensem per P. R. translatus est M. CCC. LXV. circa solstitium æstivum, ad quam semel antè, Canonicè electus dicitur. Hunc, *virum magnæ sufficientiæ*, appellat author Annalium Nenaghtensium.

Joannes O Grada.

Post translationem Thomæ O Carròll, Ioannes O Grada Archidiaconus Casseliensis, illicò Archiepiscopus electus est, Tuamensis, eodemque anno consecrationem Avenio.

Avenione impetravit. Hunc, Rex Temporalibus (ut loquimur) restituit, 19. Julij 1365. Sedit annos VI. & obiit M. CCC. LXXI. non 1367. ad quem annum, *Archiepiscopum Tuamensem virum liberalem* decessisse perhibent Annales Ultonienses, sed nomen ejus non edunt.

Gregorius.

Gregorius ab alia (nescio quâ) sede huc translatus est M. CCC. LXXII. Parlamentum Tristeldermoti habitum 1377. is cum summonitus non accesserit, centum libris Monetæ nostræ (.i. LXXV. lib. Monetæ Anglicanæ,) mulctatus est. Decessit anno 1384. mense (ut videtur) Decembri. Per mortem ejus Temporalia Archiepiscopatus (ut in veteri *Escaetoris computo* legitur) in manus Domini Regis sunt capta, decimo quinto die Decemb. An. 8. *Ex comp. Escaet. ann 9. Ric 2. in turri Birming.* De quibus tamen *Escaetor* nihil respondit, quia propter viarum discrimina inter Anglicos & Hibernicos, nemo ausus est dictos redditus colligere. Hæc eo libentiùs Lectori visum est exhibere, ut

ut inde initia defectionis Conacianæ possint notari.

Gregorius O Moghan.

Gregorius O Moghan, vel O Moccan, in scismate ab Antipapâ Clemente VII. Archiepiscopatum Tuamensem obtinuit; sed paulò post, ab Urbano VI. exautoratus, in ejus locum ascitus successusque est Gulielmus O Cormacain. Gregorius ille M. CCC. XCII. mœrore (ut creditur) confectus interiit: Vir fuit alioqui, si Annalibus credimus Loghkæensibus, valdè sanctus & devotus.

Gulielmus O Cormacain.

Deprivato (uti diximus) Gregorio, substitutus est Gulielmus O Cormacain. Is per biennium, à Gregorio illo & Mauritio Clonsertensi multa passus est. Mortem obiit Anno, M. CCC. XCIII..

Moriertagh

*Arch. Canc.
An. 13. Ric.
3.*

Moriertagh O Kelly.

GVlielmū sequutus est Moriertagh O Kelly, cujus eruditionem, prudentiam, & erga egenos munificentiam, laudant Annales Loghkæenses. Tuamæ decessit, anno M.CCCC.VII. in festo sancti Michaelis Archangeli, consecrationis suæ XIII. & in Ecclesiâ suâ Cathedrali sepultus est.

Joannes Baterley.

IOannes quidam Archiepiscopus fuit (ut ex Archivis Regijs intelligi potest) annis M.CCCC.XXVII. & M.CCCC.XXXIII. Ioannes ille Baterley (ut opinor) de quô sic^u Ioannes Pitseus. *Ioannes Baterleius ordinis Prædicatorum sancti Dominici, Doctor Theologus, natione Anglus; Postquam sacram Theologiam Professor diu docuisset, concionibus studuit, & insignis divini verbi præco evasit, quippe qui non modò ad populum, sed etiam ad regni principes &*

u In appendice illustr. Anglie scriptor. Vide porro Io. Bal. centur

H procures

proceres è suggesto frequentèr solemnes habuit conciones. Duce igitur partim virtute & doctrina, partim etiã principum virorum favore, ad Archiepiscopatum Tuamensem in Hibernia sublimatus est. Hunc ferunt in utraque literaturâ, sacrâ scilicet & profanâ, varias edidisse lucubrationes, sed in externâ regione mortuo auctore, mortua quoque per incuriam sunt opera, ut ne scrupulus (quod sciam) inveniatur, nec tempus ipsum quò vixit cognoscatur, &c. Hactenus Pitseus. Athenarum in cœnobio sui ordinis ab aquilonari parte summi altaris (ubi imaginem Pontificis palliò ornati, monumento parieti indito, insculptam vidi) tumulatum conijcio. Iam indè usque ad tempora Henr. VIII. vix nomen alicujus Archiepiscopi Tuamensis, in Archivis Regijs reperitur. Nullis Escaetis (ut loquimur) vel redditibus è Conaciâ, toto eo tempore, fisco regio illatis. Nam ad tempora jam perventum, queis Hibernia nostra quasi diluviò quodam inundata calamitatum, rebellionibus, homicidijs, egestate, barbarie, plusquàm intabescuit.

Thomas

Thomas O Kelly.

Thomas O Kelly, vir (ut Annales testantur Insulæ omnium sanctorum) tam pietate quam liberalitate insignis, obiit Anno M. CCCC. XLI.

Ioannes Secundus.

Illi successit Ioannes quidam, sub exitum anni M. CCCC. XLI. consecratus. Sed quando obierit, mihi incompertum.

Donatus Imirdle.

Ioanni successit Donatus Imirdle, sicut in veteri tabulâ x Monasterij Ballintobberensis (quod Carolus O Conner, à rubrà manu, vulgò Crovederg cognominatus, fundaverat M. CC. XVI.) traditum reperi. Vbi etiam appropriationes à Ioanne decessore, eidē cœno-

bio factas confirmasse dicitur. Vixit Donatus xxiiii. Aprilis, m. cccc. lxi. ad quem
 y *Ex registro* y eo die literas perscripsit Ioannes Bole Ar-
 io. *Bole Archiepisc. Arm.* chiepiscopus Armacanus, sicuti & ad Elphinensem, Clonfertensem, Duacensem, Alladensem & Achadensem Episcopos, quibus innuit, se paulò post, Provinciam Tuamensem visitaturum, sed an visitaverit, non constat. Certè afferunt sibi Archiepiscopi Armacani, in cæteris provincijs, septennialem (ut vocant) visitationem. o

Guilielmus III.

z *Fol. 226.*

a *Ex dicto registro.*

Guilielmus Ecclesiæ Tuamensi præfuit, Anno Domini, m. cccc. xciiii. ^z ut ex registro Octaviani de Palatio Archiepiscopi Armacani, patet. Vbi appellatio quædam ab illo, ad Octavianum memoratur. Postea xii. Iulij, m. d. viii. sedem constat vacasse, forte illius morte: a Nam tertio insequentis Septembris, jam dictum Octavianum, literas dedisse comperi, ad electum Tuamensem,

sem, (cujus nomen tamen non editur) in quibus rogat, ut *Malachiam O Clowan*, eodem die à se, assistentibus *Iacobo Mahonide Derensi*, ac *Eugenio mac Camail Clogherensi Episcopis*, in Ecclesiâ parochiali sancti *Feighini de Termonfeighin*, in Episcopum *Alladensem* consecratum, confirmaret.

Mauritius de Portu.

MAuritus de Portu (vel O Field, nam sic etiam appellatum comperi.) Natus est, ut fertur, in Comitatu *Galviano*, educatus autem *Paduæ* in Italiâ, ubi sacræ Theologiæ Doctor creatus, post paucos annos, à *Iulio Secundo*, huic Archiepiscopatui ingeritur. Vir fuit haud dubiè doctus, quod opera ejus abundè testantur. Hujus, magno cum honore, meminit *Ioannes Camers.* ^{b An- In 35 cap. Solini.} *nis* (inquit) *ab his proximis excelluit, ex Hiberniâ oriundus, Mauritius à Portu, D. Francisci ordinis professus, in Dialecticis, utrâque Philosophiâ, Metaphisicis, ac sacrâ Theologiâ, plurimum eruditus:*

eruditus : vix insuper dici potest , quâ humanitate, quavê morum sanctimoniâ, præditus fuerit. Is, cum annis plurimis in Patavino Gymnasio, bonas artes docuisset, cum summâ omnium gratiâ, ob ejus singularem eruditionem ac candidissimos mores, à Julio Secundo Pontifice maximo, in Tuamensem Archiepiscopum creatus est : Quò, cum relictâ Italiâ, bellis in eâ sævientibus, proficisceretur, non multum post, magna studiosorum jactura, cum nondum 50. ætatis suæ attigisset annum, mortem obiit. Erant plurima suæ doctrinæ in manibus monumenta, sed ea ob immaturam ejus mortem edere nō licuit. Quantum fuerit inter eum, dum viveret, & me necessitudinis vinculum, testantur sexcentæ epistolæ, quas plenas charitatis indicijs, varijs temporibus ad me dedit. Eis (quanta veræ amicitiae vis) post amici obitum, relegens soleo assidue recreari. Hactenus Camers. De operibus ejus, jam c Antonium Possevinum paulisper audiamus. Mauritius Hibernicus Ordinis Minorum, quem fuisse scribunt Archiepiscopum Tuamensem, composuit Dictionarium sacrae Scripturae, quod primò editum est illustrissimo Matthæo Zane Veneto Patriarcha jubente, Venetijs

c In apparatus
sacro.

tijs Anno, M.DC.III. * apud Ioannem Antonium * Habetur in
 & Iacobum Franciscum, &c. Quin & cum notis, Biblioth. Col-
 legij S. Trinit.
 iuxta Dulli:
 T. 10. 5. 3.
 sive ut vocant, Postillis sive Commentarijs, uni-
 versam Ioannis Scoti doctrinam exposuit; Quæ
 præsertim in quæstiones Venetys prodierunt, An-
 no, M.D. apud Simonem de Luere. Eiusdem
 item Theoremata, de mente Scoti, ibidem apud
 Lazarum Soardum, Anno M. D. XIII. Enchiri-
 dion. a. fidei antea, hoc est Anno MD.IX. exierat
 ex Officinâ Octaviani Scoti. Sed & Scoti scrip-
 tum Oxoniense ad 4. libr. Sententiarum, Lugduni,
 Iacobus Mit emisit. cum Ioannes Gracius, Pari-
 sijs ejusdem Reportata, Biennio antea, hoc est,
 M. D. XVIII. edidisset. Sed & fertur Mauri-
 tium eundem scripsisse vitam Ioannis Scoti, &
 Librum Distinctionum, qui d. Ravennæ apud
 Franciscanos asservatur, & Compendium veri-
 tatum 4. Libris, (& quidem carmine Leonino) Extat etiã
 Ms. in Bibli.
 Aula Pem-
 brochiana, cã
 tabrig. ut con-
 stat ex Tho-
 mæ James ci-
 taio Codd.
 Ms. in Bib.
 Acad. Oxon.
 & Cantabrig.
 edit. 1600.
 asserit Henricus Villot, in verbo, Mauritius de
 Porta. Interfuit Mauritius noster, Anno
 M.D.XII. duabus primis Sessionibus Concilij
 Lateranensis; Nam invenitur ejus nomen in
 subscriptionibus Episcoporum, qui in dictis
 sessionibus fuere præsentés. Annoque in-
 sequenti

*e Annales.
Vlon.*

quenti ^e postquam facultatem indulgentias quasdam concedendi, cuilibet, Tuamæ exaudienti primam ejus Missam, à Papâ impetrasset, in patriam reversus est. Cæterum Galvidiæ sive Galviæ, ubi primùm appulit, in morbum incidit lethalem, quô ante Missæ suæ celebrationem, extinctus est.

Thomas O Mullaly.

DEfuncto Mauritio de Portu successor designatur Thomas O Mullaly (five Laly) qui Synodo præfuit Galvidiæ anno Domini, M. D. XXI. Cui interfuerunt (ut de Abbatibus, &c. sileamus) Matthæus Duacensis, & Cormacus Achadensis Episcopi, Cornelius Procurator Georgij Elphinensis Episcopi, & Padinus Procurator Richardi Episcopi Alladensis. Ex Provinciâ etiam Armacanâ, Kintius (aliàs Quintinus) Episcopus Cluanensis, & ex Provinciâ Casseliensi, Mauritius Fenaborensis & Bonaventura Rossensis Episcopi. Statuta ibidem ordinata (quod

(quod sciam) perierunt. Obijt Lalæus,
Anno Domini, M.D.XXXVI.

Christopherus Bodekine.

Christopherus Bodekine, Episcopus
Duacensis, Henrici Octavi gratiâ, Tua-
mensem Archiepiscopatum consecu-
tus est, anno M. D. XXXVI. mense Febuario;
retentô per dispensationem Episcopiô Dua-
censi. Annoque tandem M. D. LXXII. Archie-
piscopatus sui XXXVI. plenus dierum, Tuamæ
decessit. Nihil tamen toto eo tempore, (ut-
pote homo inconstans, avarus, & temporibus
semper se accommodans,) memoratu dignum
præstitit. Cadaver ejus Galviam (ut accepi)
delatum, ibi tumultatum est.

Gulielmus Laly.

Tribus sedibus simul vacantibus, tres
Præsules uno eodemque tempore, sex-
I ro

to scilicet Novembris M.D.LXXII. ab Elizabetha Regina præficiuntur : Tuamensi Gulielmus Laly (aliàs O Mullaly) Decanus Tuamensis : Ardachadensi, Ioannes Garvey Decanus Ecclesiæ sanctę Trinitatis Dublinij, & Duacensi, Stephanus Kerovan. Gulielmus hic naturæ cessit, Anno Domini, M.D.XCV.

Nehemias Donellan.

Nehemias Donellan, natus est in Com. Galviano, educatus autem Cantabrigiæ in Anglia. In patriam reversus, Lalæi ad tempus fit coadjutor in Episcopali officio, ejusque postea (M.D. XCV.) successor. Sponte is Præsulatum deposuit 1609. Paulò post, ad meliorem sedem sublatus. Tuamæ sepultus est.


Gulielmus Daniell.

Gulielmus Daniell (vel O Donnell qui nunc præest) sacre Theologiæ Doctor,
ac

ac unus è primis socijs Collegij sanctæ Tri-
nitatis Dublin. in hujus Ecclesiæ Archipræs-
ulem sacratus est Anno, M. DC. IX. Eodemque
anno, in numerum Regis Consiliariorum co-
optatus.

Subsunt Archiepiscopo
Tuamensi, 5. Episcopa-
tus.

- | | |
|---|--|
| 1 | Elphinensis. |
| 2 | Clonfertensis. |
| 3 | Alladensis,
vulgò <i>Killalla</i> . |
| 4 | Achadensis,
vulgò <i>Achenry</i> . |
| 5 | Duacensis,
vulgò <i>Kilmacogh</i> . |



COE NOBIA
CISTERCIENSIA
HIBERNIÆ.

*Monasterium beatæ Mariæ
Dublin.*

1139.



E primo conditore varię in-
valuerunt opiniones. Priva-
ta hujus Cœnobij historiola
tanquam fundatores nobis
obtrusit *Malachiã* (aliàs *Me-
lachlin*) *Regē Midie & Mo-
narcham Hiberniæ*, *Gillemoholmoc* nescio quem,
& *Roisiam uxorem ejus*. Constructionis cau-
sam ibi memoratam, sciens omitto, quippè
quæ

quæ fabulæ similior est, quam veræ historiæ; quod planè perspiciet, qui eam narrationem perlegerit, & sani iudicii lancea perpenderit. Nonnulli Danos posuisse tradunt, Anno salutis D.CCCC.XLVIII. Cæterùm diploma Edwardi Quarti Regis Angliæ (cui fidem habeo) fundatū prodit à Donaldò Gillemoholmoc, à quò genus ducunt *O Tothili* (sive *O Tooli*) cum assensu (uti verba sunt chartæ,) *Deruorigilia uxoris & Dermity Primogeniti.* Cœnobium hoc quod prima institutione Benedictinum erat, in Cisterciensē transmutatur, (si Analibus ejusdem cœnobij credamus.) Anno Domini, 1139. Hujus annui census, tempore suppressionis, secundum rationes fiscales valebant 562. lib.6. sol. 11. den. ultra reprisas.

Mellifons.

Mellifons, insigne olim Monasteriū in agrò Louthianò, fundatur à Donato 1142.
O Carroll Vrielis, sive Ergallia regulo, suasu sancti Malachia *O Mongair Dúnensis*
 13

ensis Episcopi. Monachis illud implevit
 Divus Bernardus e cœnobio suo Clarevallens
 si. Abbate illis præposito Christiano O Co
 narchy (postea Lismorensi Episcopo.) Illi
 successerunt hi qui sequuntur.

Patricius.

Mælisæ filius Episcopi mac Mail-ciaran. Episcopus
 Clochorensis M.C. XCIII.

Thomas.

Carus postea Episcopus Achadensis. ob. 1226.
 Michael.

Gulielmus Brian.

Thomas O Henghan.

Radulphus O Hedian.

Nicholaus de Lusk.

Reginaldus Leynagh obiit xv. August. 1368.

Ioannes Ferrou.

Ioannes Loggan.

Henricus

Ioannes Warren.

Ioannes Troy.

Thomas Harvey, obiit xx. Martij, 1525.

Richardus Conter Abbas (sub Henrico Octa
 vo) tempore suppressionis.

Nunc

Nunc habitatio est Dom. Geraldii Moore, quem primùm Iacobus Rex, titulo *Baronis de Mellifont*, & postea *Vicecomitis de Drogheda* exornavit.

Newry.

Monasterium Nevoracense (aliàs de viridi ligno) in Comitatu Dunensi, in honorem Beatae Mariae & sancti Patricij fundavit sanctus Malachias Dunensis Episcopus, circa annum M. C. XLIII. Hanc Abbatiam Henr. VIII. in Ecclesiam convertit collegiatam, Ioanne Prowte ultimò Abbate, primo novae illius foundationis *Gardianò* constitutò. Cæterum, post novem annos suppressa est, & Nicholao Bagnall militi tunc temporis *Hiberniae Marescallo* concessa. Hoc Monasterium idem erat (ni fallor) quod Divus Bernardus in vitâ Malachiae, aliò quasi sub sole locat, & Monasterium Ibracense appellat.

1144.

Boyle.

Boyle.

1148. **M**onachos Buellienses, sedem quater mutasse constat. Habitatio prima, eis assignata est Grellechdinæ, 1148. ubi primus præfuit Abbas Petrus O Morda. Illi defuncto, subrogatus est Hugo O Mac-cain, qui Dromconaidam migravit. Mauriti-
 us O Dubhai proximus ejus successor, cum Dromconaidæ nondum tres annos sedisset, Monachos primum Buinfiniam, deinde post duos annos & sex menses, Buelliū (in comi-
 tatu Roscomanensi) transtulit, anno secundum librum Buell. M. C.LXI. secundum alios, per-
 peram, M. C.LI. Mauritius ille, decessit, 1175. Buellij sepultus. Monachos hosce alumnos fuisse Cænobij Mellifontani, innuere videtur Registrum Octaviani Armachani Archiepiscopi, ubi fol. 137. *Buellium filiatio appellatur Mellifontis.*

Athlone.

Athlone.

IN ea parte Athlonæ, quæ agri censetur 1150.
Roscomanensis, Monasterium erat sanctis
Petro & Benedicto dicatum; idem
(puto) quod aliqui Monasterium de Benedi-
ctione Dei vocant, fundatum, M. C. L.

*Baltinglas aliàs de valle
Salutis.*

HOc Monasterium Cisterciensibus po- 1151.
suit Dermotus, filius Murchardi, Rex
Lageniæ, Anno Domini, 1151. Is Fer-
næ decedens M. C. LXXI. in Canonicorum cœ-
nobiolo, à se ibidem fundato, est conditus.
Post suppressionem, Monachis exturbatis,
Henricus Octavus, plurimas hujus possessio-
nes cum titulo Vice-comitis de Baltinglas cō-
cessit Thomæ Eustace Baroni de Kilcullen, cu-
jus è filio, nepos, Iacobus, sceleratâ suâ in prin-
cipem & patriam perfidiâ, omnibus honori-
bus

bus & possessionibus excidit. Sedet ad Slanum fl. in agrô Wickloensi.

Bectif.

1151.

A Lijs XIII. Ianuarij 1164. fundatur monasterium de Bectif aliàs de Bearitudine, quod ad Boinum sedet in com. Midix. Fundasse & dotasse perhibentur O Melachlini Midix Reges. Hic aliquandiù sepultum fuit corpus Hugonis de Lacy, Midix expugnat-
ris; ossa postea (M.CC.V.) Dublinium trans-
lata, in cœnobio ibidem, quod Thomas-court
vulgò appellatur in novum tumulum sunt
illata.

Nenay.

1151.

N Enay antiquitus Magio, Monaste-
rium Maio fluvio appositum, in co-
mitatu Limericensi, fundatum legitur,
anno à Christo Domino in salutem misso,

M.C.LI.

M. C. LI. Monachorum terras & possessiones, scilicet, *Kinalmekan*, in quâ situm est Monasterium, *Atherokan*, &c. Ioannes Rex Angliæ confirmavit : ut ex chartâ ejus datâ primo Novembr. anno regni secundo, constat.

Odorney.

O Dorney aliàs Kyrieleyson in comitatu Kerriensi, fundatur anno Domini, M. C. LIII. In hoc, sepultus est (1186.) Christianus, illustris ille Præsul Lismorensis, quondam legatus Hiberniæ, æmulator virtutum (inquit Author anonymus annalium nostrorum) quas viderat, & audierat à sancto Patre suo Bernardo, summoque Pontifice viro venerabili Eugenio, cum quô fuit in probatorio, apud Clarevallem. 1154.

Monasterium sanctæ Crucis.

H Oc Monasterium ad Surium sedet, in comitatu Tipperariæ. Amplum sanè, 1169. *Vel circiter.*

ac olim proculdubiò illustre, ob partem Crucis Dominicæ ibidem ut ferunt, asservatam. Construxit magnisque redditibus, locupletavit Donaldus O Brien Rex Limericensis. Dotationem confirmavit Ioannes Dominus Hiberniæ, & Comes Moretoniæ, (postea Rex Angliæ) pro salute animæ meæ (sic se habent verba chartæ) & meorum antecessorum & successorum, nec non pro animabus militum meorum qui ibi jacent, &c. Testibus Albino Fernensi Episcopo, Io. de Curcy, G. de Angulo, &c. Claustrum nitidissimum Ecclesiæ adjunxit Dionysius O Congail Abbas. Sicut inscriptio ibidem testatur.

Fermoy.

1170. **F**Ornessia, Cisterciense Angliæ Cœnobium, à V. C. Gul. Camdeno, in Lancastriâ, mater appellatur plurimorum monasteriorum in Manniâ & Hiberniâ: nec immerito, siquidem Hibernia nostra (ut de Mania taceam) quasi filias agnoscit Fermoiâ hanc

hanc, in comitatu Cork , Inis (five Insulam) in comitatu Downe : Corcumroth in comitatu Clare , & Inislawnacht in comitatu Tipperariæ. Filiarum numero alij Caldram addunt, quam fundatam volunt Anno Domini, 1134. sed ubi quæram, adhuc planè nescio, invenire (credo) ingenij non est mei. Pergo. Fermoia five Ardmoia (nam variè legitur) Cœnobium erat de Castro Dei, & de Campo Arby dictum, Cisterciensibus positum, Anno Christi M.C.LXX. alijs perperam M.CC.IX. Fermoia (obiter adnoto) Vice-comitis titulum præbet antiquæ & nobili familiæ de Rupe five Roch.

Mawre.

IN eodem comitatu Monasterium erat 1172.
Cisterciense, vulgò Mawre, (aliàs de Fonte vivo) dictum. Erectum Anno Domini, M.C.LXXII. De quo præterea, nihil aliud comperi.

*Donbrothy aliàs de Portu
sanctæ Mariæ.*

1175. **C**irca hunc annum, Hervæus de Montemarisco, Mareſcallus Domini Regis (Henr. 2.) in Hiberniâ, & Senefcallus (ut loquitur diploma ejus) de tota terra Richardi Comitis Pembrochiæ, dedit Ardſithein Croſgormok, &c. Deo & sanctæ Mariæ & sancto Benedicto, & Monachis de Bildwas (in Anglia) ad hanc Abbatiam construendam. Hervæus ille, paulò pòst in patriam reversus cucullum induit Cantuariæ. Inter alios qui reditibus adauxerunt, in primis memorantur jam dictus Richardus, cognomentò Strong-bowe, Pembrochiæ Comes, & ejus è filiâ nepos, Walterus, Comes itidem Pembrochiæ. Richardus ille (quem dixi) fundamenta jecit amplissimæ, imò (dum stetit) augustissimæ illius domus militum Hospitalariorum, unicò milliari à Dubliniò distantis, cui Villam de Kilmainam (uti in archivo fiscali an. 17. & 18. Hen. 8. videre est) concessit. Verùm hæc (quod aiunt)

aiunt) extra oleas. Coenobium hoc Dunbrothiense, Pontifices Romani multis privilegijs & immunitatibus, jurisdictioni Episcopi Fernensis derogantibus, ornârunt: ut liquet ex hujus loci registro. Subiectum est demùm Abbâti Beatæ Mariæ Dublin. annuâ quadam pensione Abbati Bildevvasensi reservatâ.

Monaster-Evin.

R Osglas aliàs de rosea valle, vulgò Monaster-Evin. (Monasterium ad ripam Barroi fluuij in comitatu Kildariæ) Cisterciensibus est positum, 1178. vel (secundum annales Monasterij Beatæ Mariæ Dublinensis) M. C. LXXXIX. Nomen habet à sancto Evino, è cujus scriptis multa se hausisse fatetur Ioscelinus *de Furnes*, quæ operi suo, de vitâ sancti Patricij, inseruit. Ædes ibi speciosas extruxit Honoratissimus vir, Adamus Vicecomes *de Ely*, Hiberniæ Cancellarius.

1178.

Ashroe,

Ashroe, aliàs Esarua.

1178.

AVthor Annalium Hiberniæ à Gulielmo Camdeno editorum *Abbatiam de Samaria fundatam* tradit nono *Calend. Decemb.* M. C. LXXXVIII. Annales Buellienſes annum habent M. C. LXXXIII. Illa, aut eſt Abbatia *Ashroenſis* in comitatu *Donagalliæ*, aut tãquam nubes me obduxit *Samarius* fluuius, quem illo tractu locat *Giraldus Cambrenſis*.

Chore, aliàs de Choro Benedicti in Comitatu Corcagiæ.

1180.

Nihil habeo quod hîc adnotem, niſi erectum fuiſſe hoc cænobium anno 1180. & Barrios patronos agnoviſſe.

Feripont.

1180.

Ieripont perpulchrum olim Monasterium (ut reliquiæ jam teſtantur) à Donato O Donogho

Donogho regulo, extructū est, & magnis reditibus locupletatū. In hoc cœnobio conduntur (præter alios melioris notæ, quorū sepulchrales imagines ibi jacēt) ipse cōditor Donatus, & Fœlix O Dullany Episcopus Ossoriensis, ad cuius tumulum, miracula nescio quæ, olim patrata dicuntur. Sedet ad dextrā Neori ripam, in comitatu Kilkennienſi. Abbas hujus Monasterij ante suppressionem, locum suffragiumq; habuit inter procures in comitijs Parliamentarijs, uti hi etiam ex alijs cœnobijs.

	Mellifontis.		S. Io. Hierusal.
	S. Tho. Dubl.		S. Trin. Dubl.
	B. M. Dublin.		S. P. e. novę vil-
	Baltinglassiæ.		lę juxta Trim
	Tinternæ.		Conallæ.
	Douskæ.		Kenlissiæ in
Abbas.	B. M. Tracto.	Prior.	Ossoriâ.
	Donbrothiæ.		S. Patricij de
	B. M. Magio.		Duno.
	Wetheniæ.		Omnium SS.
	Rosglassiæ.		Dublin.
	Bectiffiæ.		S. Ed. Athassel
	Rathtoæ.		Killaghæ.

L

Hæc

Hæc ex ipsis (quas vocant) *summonitionibus* desumpsi.

Leix (alias *de Lege Dei*) in
comitatu *Reginæ*.

1183. **F**undatur Anno M. C. LXXXIII. aut fortè
antè, (ut alij perhibent) per *Cochegerium*
O Móore.

Inislawmaght.

1187. **C**irca hoc tempus *Inislawmaght*, non ul-
timæ sortis cænobium, (sive vetu-
statem sive venustatem spectes) funda-
tum est, & prædijs locupletatum à *Donaldo*
O'Brien, Rege *Limericensi* & *Malachia O Fe-*
lan, *Desiensium* (perperam opinor dictò) *Comi-*
te. Iacet ad *Surium* (flumen nobilissimum) in
Comitatu *Tipperariæ*, unde Monasterium *de*
Surio quandoque est dictum.

Inis

*Jnis (aliàs Jnis-Curcy) in Comi-
tatu Dunensi.*

Calendis Iulij M. C. LXXXVII. (ut in anna-
libus evulgatis videre est) *fundata est* 1187.
Abbatia de Inis, quibus consentiunt
MSS. Annales Mo. B. Mariæ Dublin. Mona-
sterium hoc fundavit (seu potius à Carrig hùc
transtulit) Ioannes de Curey comes Ultoniæ.
In Archivis Regijs *Cella* appellatur cœnobij
Førnessensis.

Knockmoy.

Carolus, cognomento *Crovederge*, Cona- 1189.
cię Princeps, fundâsse dicitur Monaste- al. 1190.
rium Knockmoienſe (aliàs *de Colle vi-
ctoriæ*) in comitatu Galvidiæ, in victoriæ me-
moriâ, quę eo loci foelicitè illi celsit. Obijt
M. CC. XXIII. in hoc cœnobio tumulatus, ha-
bitu Cisterciensis Monachi priùs suscepto.

L 2

Circa

Circa hæc tempora *Cleary*, Monasterium in agrô Maionensi, (postea membrum sive cella hujus Monasterij) fundatum videtur.

Leigh (aliàs *de jugo Dei*) vulgò
Grey Abbey.

1193. **H**oc Anno vel (secundum Annales Monasterij Beatae Mariae Dublin) anno M. C. xcvii. Abbatiam de jugo Dei in comitatu Dunensi, instituit Africa uxor Ioannis de Curcy Ultoniae expugnatoris, & filia Godredi Regis Mannie, in qua ipsa postea sepulta est.

Corcumro.

1197. **C**ænobium Corcumrothense, aliàs *de Petra fertili* in agrô Clarensi (filiatio uti antea dixi cænobij Furnessensis in Lancastria) fundatur anno Christi M. C. xcvii. una cum Kilsonna ejusdem Monasterij cellâ.

Comeray

*Comerer in comitatu
Dunensi.*

DE hoc cœnobio, præter annum fundationis qui in margine notatur, nihil comperi. 1199.

Tintern (alias de voto) in comitatu Wexford.

Guilielmus Marescallus senior, Pembrochiæ comes, cum efferatam tempestatem evasisset, ex voto, hoc cœnobium construxit, & Monachis implevit, ex cœnobio Tinternensi in Wallia, quibus Abbatem præfecit Ioannem Torrell. 1200.

Shrowle, alias Shrowe.

Eodem anno fundatum est (secundum Annales nostros) Monasterium de flumine 1200.
L3 Dei

Dei Hoc idem esse existimo, quod vulgò Monasterium Shrowlense appellatur in comitatu Longfordiæ. Sed opinionem sanioribus judicijs submitto.

*Dusk in comitatu
Kilkennia.*

1202.
al. 1203.

DE hujus cœnobij initijs & progressionibus, sic loci Registrum. Anno Domini, M. CC. II. venit conventus de Stanleia, in Hiberniam, qui primò habitabat apud Loghmeran juxta Kilkenniam, deindè apud Athnamolt, & postea apud Castrum, ultimò in loco ubi nunc sunt, & vocatur locus sancti Salvatoris, aliàs de Duisque. Deindè in anno M. CC. VII. Hoc anno Gulielmus Marescallus venit in Hiberniam & fundavit Abbatiam de Duisque. Anno item M. CC. XXVII. B. Frigidi Montis Abbas, missus à capitulo generali Cisterciensi, ad Abbantias Hibernia visitandas, cum plenitudine potestatis, intelligens quod Abbatia de Valle Dei, filia Ieripontis, adeò debitis

bitis & alijs gravaminibus esset oppressa, ut de cetero per se subsistere non posset, eam auctoritate dicti Capituli, proxima Abbacie sancti Salvatoris, conjunxit & incorporavit, instrumento dato apud Dublin, M. CC. XXVII. in festo Beatae Mariae Magdalena.

Woney.

Cœnobium hoc olim *Wetheny* & *Wodeny* dictum, situm est in comitatu Limericensi, à Theobaldo Walter *Hibernie Pincernâ* fundatum, & multis prædijs dotatum. Filius is fuit *Hervæi* Walter, & frater *Huberti* Walter dignissimi illius *Canuariensis Archiepiscopi*, ut liquet tùm ex *foundationis chartâ*, tùm ex *Registro Monasterij sancti Thomæ Dublin*. Ab illo, stemma ducit *Nobilissima Butlerorum* (in *Hiberniâ*) familia.

1205.

Larha

Larha.

1211.

LArha, vel literis transpositis Larah (antiquitus *Granard*) in comitatu Longfordiæ, cænobium Cisterciense, fundatur à Richardo Tuite milite loci Domino, cuius posterì etiamnùm florent in comitatu Westmidia.

Moicosquin.

1218.

CAtalogus quarundam domorum Cisterciensium Registro Honoris Richmondia insertus, *Abbatiam de Dere in Hiberniâ, fundatam* tradit vi. Kal. Martij 1218. Atqui cùm certum sit, sodalitiū Cœnobij Derensis, ab anno D. XLV. quò patrij scriptores fundatum memorant à sancto Columba, usque ad tempus suppressionis, fuisse Augustinianum; aut illa est Moicosquinensis *Abbatia* (quæ sanè sita est in Diocesi Derensi) aut ubi quæram, ignoro.

Tracton

*Tracton in comitatu
Corcagensi.*

TRacton (perperam in jam dicto Richmondiaë registro, Creccotren) aliàs de Albo Tractu, Cisterciensibus ponitur anno Domini M.CC.XXIII. Possessiones confirmavit Edwar. III. Rex Angliæ. 1224.

*Mon. de Rupe Cassel. in Crociâ
Tipperariæ.*

DE hoc Cœnobio suprâ dixi, in Davide mac Carwill Archiepiscopo Casselien- 1260.
si; nec est, cur repetam.

FINIS.